



बाळका बेई बाइबल
प्रस्तुति

ज्दया परमेसर सबळी
चिजा की रचना करयो



लखबाळो: Edward Hughes
सम्झाबाळो: Byron Unger; Lazarus
रूप बदलबाळो: Bob Davies; Tammy S.
अनुवाद करबाळो: Royson Norman D'Souza
साम्अ ल्याबाळो: Bible for Children
www.M1914.org

BFC
PO Box 3
Winnipeg, MB R3C 2G1
Canada


©2015 Bible for Children, Inc.
अनुज्ञापत्र (लाइसेंस): थे यां कहाण्या की फोटू काँपी और छपवा
सको छो, शरित याई छ क बैच्अ कोन्अ।




आंपणी रचना कुण करयो छ? बाइबल मं परमेसर को
बचन बताव्अ छ क कस्यान मनख बण्यो छो। घणा बरसा
फेली परमेसर सरुवात का मनख न बणायो छो जिन्अ
आदम नाऊ दियो। परमेसर धरती की गार
सु आदम न्अ बणायो।



परमेसर ज्दया उन्अ जीव दियो तो वो जीवतो होगो। वो
खुद न्अ एक सुन्दरसाक बाग मं पायो जिकों नाऊ
अदन छ।




आदम न्अ बणाबा सुं पेली परमेसर ई सुन्दर संसार न अर
घणी अचेम्भा की चिजा सुं भरयो। धीरअ-धीरअ वो डुंगर
खाई अर मैदाना की दोबडी, लाम्बा-लाम्बा दरखत अर
खशबुहाळा फूल, सोना का पाखडाळा जन्दावर अर
भुमाती मुवाळ, घणी लूठी वैल मच्छी



हेल अर रपसणा
घोंघा आदि।



साँच्याई म ज्यो भी चिजा अण्हुअ छ वां सबळी चिजा
की रचना परमेसर करयो छ-सबळी चिजा की।




शरुवात मं अण्ह्अ कोई कांई बणाबा
सुं पेली परमेसर क अलावा कांई भी
कोन्अ छो। कोई चिज, ठोर अर
लोगबाग, कांई भी कोन्अ छो।
न अँधेरो अर न उजाळो।

न उपर अर न तळअ।


न आज अर न क्याल।

अण्ह्अ बस परमेसर
छो ज्यो शुरुआत कोन्अ
करयो छो। अर फेर परमेसर
काम करबो शरु करयो।


शरुवात मं, परमेसर धरती
अर सरग न्अ बणायो।




अर धरती बना कोई आकार
की अर सुनी छी। अर
धरती प घणाजोर
को अँधेरो छो।
जद्यार परमेसर
खियो, “चालो
अण्ह्अ
उजाळो
करां।”



अर उण्ह्अ उजाळो होगो। परमेसर उजाळा न्अ
दन अर अँधेरा न्अ रात खियो। अर सुबह
फेर शाम पहलो दन होयो।



दूसरअ दन, परमेसर सरग क तळ्अ का पाणी न्अ
समदर, महासागर अर झीलॉं मं ल्यायो। तीसरअ दन,
परमेसर खियो, “चालो सूखी धरती दिखबा द्यो।”
अर अस्यान ई होयो।




परमेसर दोबडी, फूल, झाड़ अर रुखड़ा दिखबा को आदेश
दियो। अर वे सबळा दिखबा


लागगा। अर या सुबह
अर शाम तीसरो
दन छो।




इक्अ पाछ्अ परमेसर सुरज, चाँद
अर अणगणती का तारा बणायो
ज्यान्अ कोई भी कोन्अ गण
सक्अ। अर सुबह अर शाम
यो चोथो दन छो।



परमेसर की सूची मं अब
दूसरी चिजा छी, समन्दर का
जीव, मच्छया अर जन्दावर।
पाँचव्अ दन वे घणी लूठी
स्वॉरडफिस अर छोटी
मछयाँ बनायो, लन्बा पगाळा
शुतुरमुर्ग अर च्यु-च्यु करता
छोटा जन्दावर बनायो। परमेसर
खणा कस्यान कस्यान की मच्छया
अर जन्दावर बनायो ज्यो धरती,
आम्बर अर समन्दर मं राजी
राजी रे सकअ। अर सुबह
अर शाम यौ पाँचवो दन छो।




इक्अ पाछ्अ परमेसर फेरू खीयो क, “चलो अब
धरती प जीवहाळा दूसरा जीव ल्यावां...” सब तरां का
ज्यानबर, किडा-मकौडा अर रगसर चालबाळा जीव
होव्अ। याम्अ धरती न्अ हलादे अस्यान का हाथी अर
सदाई काम लाग्या रेबाळा उदबिलाव भी छा।




उठंगी बांदरा और बरालागबाळा मगरमच्छ । कलबलाता
किडा अर नकटी गुलावरी । टोळा मं रेबाळा जिराफ़ और
म्याउं करती बल्ल्याँ । उ दन परमेसर हरेक तरां का
ज्यानबरां न्अ बणायो ।

अर सुबह फेर शाम यो छठो दन छो ।




छठ्ठअ दन परमेसर यांक्अ अलावा भी कोई कांई करयो
छो, खास काम। अब मनख बेई हरेक चिज तेयार छी।


अण्ह्अ खाबा बेई जमी प नाज
छो अर उंकी सेवा करबा
बेई ज्यानबर।



अर परमेसर खियो, “चालो अब आपां मनख न्अ आंपणो
रुप द्या।” अर उन्अ धरती का सबळा जीवां को मालक
बणावां। अस्यान परमेसर मनख न्अ खुद की जस्यान को
बणायो। परमेसर उन्अ
खुद की जियान
को बणायो ...



परमेसर आदम नअ
खियो, “थारी ज्यो
भी मन्शा होव्अ तु
ई बाग मं खा सक्अ
छ। पण चोखा बरा
का ज्ञान का ई रूखड़ा
मं सुं काई भी मत
खाज्यो। अर ज्यो तु
ई रूखड़ा मं सुं काई
भी खायो तो जरूर
मर जाव्अलो।”



अर परमेसर खियो, “मनख अकेलो
रेवअ यो चोखो कोन्अ।” म इक्अ
बेई एक साथी बणाऊलो। परमेसर
सबळा जन्दावरां न्अ अर ज्यानबरा
न्अ आदम खन्अ बलायो। आदम
वां सबळा को नाऊ पाडयो।



वो ये काम घणी चतराई सुं
करयो। पण या सबळा जन्दावरा
कअ अर ज्यानबरा कअ गाबअ
आदम बेई कोई भी मेळ खातौ
साथी कोन्अ छो।



परमेसर आदम नअ
घणाजोर की नींद मं लेग्यो।
उण्हअ परमेसर सुता आदम
की एक पासळी सुं लुगाई
बणायो। परमेसर क हाथा
बणायडी यां लुगाई आदम
बेई मेळ खाती
साथी छी।



छः दनां मं परमेसर सबळी चिजा बणा लियो।
जद्द्या परमेसर सातवां दन न्अ आशीर्वाद दियो
अर उन्अ आराम को दन बणायो।



अदन का बाग मं आदम अर उंकी घराळी
हव्वा, परमेसर को धन्यवाद करता होया
राजी-राजी रेबा लागग्या। परमेसर ई वांको
परभु छो, वान्अ देबाळो अर भायलो।



जदया परमेसर सबळी चिजा की रचना करयो

बाइबल, परमेसर का बचना की कहाणी


मं पायो गियो

उत्तपति 1-2


“ज्यो थांकी जन्दगी मं उजाळो देव्अ छ।”

भजन 119:130





1



60



बाइबल की या कहाणी आपानअ आपणा उं अदभुत परमेसर का बारा
मं बताव्अ छ ज्यो आपान्अ बणायो छ अर वो चाव्अ छ क थे उन्अ जाणो।

परमेसर जाण्अ छ क आपां अस्यानका काम करया छा ज्यान्अ वो पाप मान्अ छ।
अर पाप की सज्या मौत छ पण परमेसर थांसु अतरो परेम करअ छ क वो खुद का
एकलोता छोरा ईशु न्अ ई दनिया मं खण्दायो क वो सूळी (क्रोस) प चढ़र थांका
पापा की सज्या पाव्अ। ईशु मरया पाछ्अ फेरू जीवतो होग्यो अर सरग मं खुद क
घरां चलग्यो। अर ज्यो थे ईशु मं बस्वास करो अर ऊसुं खुद का पाप की छमा मांग्अ
तो वो थांकी परातना सुण्अलो। वो अबार आर थाक्अ म्अईन्अ
बस्अलो अर थे सदाई उंकी लार बण्या रेव्अला।

अर ज्यो थांम्अ बस्वास छ क यो सब साँच छ तो परमेसर न्अ ख्यो: प्यारा ईशु,
मन्अ बस्वास छ क तू ही परमेसर छ अर मनख का रूप म्अ आयो छो क म्हारा
पाप की बजे सुं मोत की सज्या बगत सक्अ अर अब तु फेरू जीवतो होयो छ।
करपा कर म्हारी जन्दगी मं आर म्हारा पाप छमा करो, क मन्अ एक नुई जन्दगी
मल्अ अर एक दन सदा हमेश बेई मं थारी लार हो जाऊ। ओ ईशु, म्हारी सायता
कर जिसुं म थारी हरेक आज्ञा न्अ मान सकूं अर थारी औलाद की न्याऊ
थारअ बेई जी सकूं। आमीन।

बाइबल पढ़ो अर रोजीना परमेसर सुं बात करो! यूहन्ना 3:16

